




ԱՄԵՆԱՅՆ ՀԱՅՈՑ ՀԱՅՐԱՊԵՏԻ ԿՈՆԴԱԿՆ՝
ԼԻՈՆԻ ԵՎ ՇՐՋԱԿԱՅՔԻ ԱԶԳԱՅԻՆ ՄԻՈՒԹՅԱՆ
ԿԵՆՏՐՈՆԱԿԱՆ ՎԱՐՋՈՒԹՅԱՆ ԵՎ ՀԱՅ ԺՈՂՈՎՐԴԻՆ

**ԳԵՌԳ ԵԱՌԱՑ ՅԻՍՈՒՍԻ ՔՐԻՍՏՈՍԻ,
ՈՂՈՐՄՈՒԹԵԱՄԲ ՏԵԱՌՆ ԵՒ ԿԱՄՕՔՆ ԱԶԳԻՍ
ԵՊԻՍԿՈՓՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ԵԱՅՐԱԳՈՅՆ ՊԱՏՐԻԱՐԻ ՀԱՄԱԶԳԱԿԱՆ
ՆԱԽԱՄԵՆԱՐ ԱԹՈՒՈՑ ԱՌԱՔԵԼԱԿԱՆ
ՄԱՅՐ ԵԿԵՂԵՑԻՈՑ ՍՐԲՈՑ ԿԱԹՈՂԻԿԷ ԷԶՄԱՆԵՆԻ**

ԼԻՈՆԻ ԵՎ ՇՐՋԱԿԱՅՔԻ ԱԶԳԱՅԻՆ ՄԻՈՒԹՅԱՆ ԿԵՆՏՐՈՆԱԿԱՆ ՎԱՐՋՈՒԹՅԱՆ
ԱՏԵՆԱՊԵՏ՝ ՊԱՏՎԱՐԺԱՆ Պ. ԱՂԵՔՍԱՆԴՐ ԿՅՈՒՂՊԵՆԿՅԱՆԻՆ ԵՎ ՄԵՐ ՍԻՐԵԼԻ
ՀԱՅ ԺՈՂՈՎՐԴԻՆ ՆՎԻՐՈՒՄ ԵՆՔ ԱՌԱՔԵԼԱՇԱՎԻՂ Ս. ԳՐԻԳՐ ԼՈՒՍԱՎՈՐՋԻ
ԱԹՈՒԱԿԱԼԻ ՀԱՅՐԱԿԱՆ ՍԻՐՈ ՈՂՋՈՒՅՆԸ ԵՎ ՀԱՅՐԱՊԵՏԱԿԱՆ ՕՐՀՆՈՒԹՅՈՒՆԸ

Լիոնի «տաւաղիւր, աշխատավոր, հավատավոր հայկական գաղութ»-ի ազգային տուն ունենալու ցանկությունը, ինչպես նաև ներկա ազգային ընտրյալ վարչությանը «վնասական որոշումը՝ սեփական եկեղեցի, պարոց, մատենադարան և հանդիսարան ունենալու», Մեզ՝ ծերունի Հայրապետիս, աննկարագրելի հոգեկան հանույժ և մխիթարություն է պատճառում: Հոգեկան հանույժ է պատճառում, որովհետև Կենտրոնական Ֆրանսիայի վանականականական բնույթ կրող մեծագույն ֆաղափներից մեկում՝ Լիոնում, նոր հաստատված տաւաղիւր մի փոքրիկ հայկական գաղութ ազգային ինֆնագիտակցություն ունի, իբրև Ազգ ինֆնուրույն և անկախ ապրելու: Մխիթարություն է պատճառում, որովհետև այդ փոքրիկ գաղութը գիտակցում է թե՛ ազգայնապես ինֆնուրույն գոյություն պահպանելու հիմնական պայմաններից մեկն է՝ իր կապը ամուր և անխզելի պահել Հայ եկեղեցին գլխավորապէս Ս. Էջմիածնի Ամենայն Հայոց Հայրապետության և նորա Կրօնապետի ու Ազգապետի հետ:

Լիոնի հայկական գաղութի եկեղեցի կառուցանելու որոշումը անփոխարինելի մի ձեռնարկ է իր ազգային գոյությունը, իր հայությունը պահպանելու համար: Հայրենիքից հեռու, օտարության մեջ ապրող պանդուխտ գաղութահայությունը, զուրկ հայրենի հոգեշունչ հուշարձաններից ու ազգային-եկեղեցական նվիրական սրբություններից, որոնք խոսում են նորա սրտի, նորա հոգու ելևէջների հետ և կենդանի պահում նորա ներքին աշխարհում ազգային ոգին, հետզհետե օտարանում է Հայ Ազգից, մահում է նորա հոգու մեջ սիրո կրակը առ Մայր Աթոն և առ Մայր Հայրենիքը, որոնք այնքան կարևոր են ազգային ինքնագիտակցության և Ազգի ինքնություն գոյության համար: Սփյուռքի հայությունը կարող է իբրև հայ ապրել, երբ Հիսուս-Քրիստոսի հավատով վառված, Մայրենի եկեղեցուն փարի և հայ դպրոցին ապավինի:

Հայ եկեղեցին դարերի ընթացքում եղած է հայության համար ոչ միայն հավատո վառարան, այլև ազգապահպանման էական ազգակ: Հայ եկեղեցին է, որ հավատացյալների աշխն ու սիրտը դեպի ինքը դարձնելով, ի մի է խմբում և շաղկապում իր տարագիր զավակներին, ջերմացնելով նոցա սիրտը նախնյաց ջերմեռանդությամբ և մեծագործությամբ ու առ Ազգն և Հայրենիքը ունեցած անձնվիրությամբ՝ պահելով նորան հնադարյան հաստատության՝ Մայր Աթոն Ս. Էջմիածնի հովանու ներքո:

Նյութական եկեղեցին բարոյական շենք դարձնողը կենդանի հավատն է, իսկ հավատը կենդանի և վառ պահողը՝ անձնվեր հովիվն է: Անձնվեր հովիվն է, որ հավատացյալների միտքը լուսավորում է Ս. Ավետարանի լուսով և սիրտը ջերմացնում սիրո զգացմունքով դեպի ընկերը, և այսպես ղեկավարում է անձնվեր հովիվը հավատացյալների միտքն ու սիրտը դեպի բարին, գեղեցիկն ու ճշմարիտը՝ դաստիարակելով նոցա ճշմարիտ հավատացյալ և դարձնելով Հիսուս-Քրիստոսի ճշմարիտ աշակերտ:

Հայ դպրոցն է, որ հայ մատաղ սերունդը հայեցի է դաստիարակում և կրթում՝ մարգելով նորա միտքը Հայ Աշխարհի Բաշամարտիկ նահատակների պատմությամբ և սրբազան ավանդներով: Հայ դպրոցն է, որ վառում է հայ մատաղ սերունդի սիրտը Հայրենիքի սիրով և մկրտում նորան ազգային ոգով: Հայ եկեղեցին՝ իր անձնվեր հովիվով, և հայ դպրոցը՝ իր անձնվեր ուսուցչով ազգային ինքնագիտակցության և ազգային ինքնություն գոյության սյուներն են: Սոցա միացյալ ջանքերով է, որ հայությունը ամենուրեք, մանավանդ գաղութահայությունը օտար երկրներում և կուլտուրապես բարձր ազգերի մեջ կարող է անխաբար պահպանել իր ազգային ոգին և՛ իբրև Ազգ, անձույլ մնալ:

Իմ սիրելի՛ ժողովուրդ, հարգեցե՛ք և գնահատեցե՛ք կարող, բարեխիղճ և անձնվեր հովիվն. հարգեցե՛ք և գնահատեցե՛ք կարող, բարեխիղճ և անձնվեր ուսուցչին, նո՛րա ձեր ազգային գոյության անփոխարինելի սյուներն են:

Օրհնյալ լինի Լիոնի գաղութահայությունը, որ խորհում է ստեղծել ազգապահպանման արժեքավոր գործոններ: Աստվածային օրհնությամբ օրհնում ենք նաև Ջեզ՝ Լիոնի և շրջակայքի Ազգային միության կենտրոնական վարչության անդամներիդ, որպեսզի Ջեռ ազգօգուտ և ազգաշեն ձեռնարկները հաջողությամբ պսակվին և փութով ի կատար ածվին՝ հուրախություն Մեր սիրեցյալ հոտի և ի մխիթարություն Մեր: Օրհնում ենք նաև Ջեռ ընտանիքն ու զավակները և մաղրում մարդասեր Փրկչին, որ պարգևե Ջեզ և ձերայնոց առողջ ու բարձր կյանք և պատվաստե Ջեռ բարեպաշտ ու ազգասեր ոգին նոցա հոգու մեջ:

Մաղթում ենք Բարձրյալին, որ Սփյուռքի մեր սիրելի հոտը առնե Իւ
ամենագոր Աջի հովանու ներքո և պարգևե նորան խաղաղ, անասան և բա-
րօր կյանք ու բարի վերադարձ ի Հայրենիս:

Աստվածային օրհնությունը, շնորհքը, սերն ու խաղաղությունը իջնի և
բնակի Ձեր մեջ, որպեսզի Դուք միշտ հավատարիմ մնաք Մայր Աթոռ Ս. Էջ-
միածնին և Հայրենիքին, նախանձախնդիր լինեք Հայրենի երկրի շինարարու-
թյան ու հառաջադիմության և միմյանց հետ սիրով և խաղաղությամբ ապրեք.
ամեն:

ՅԷ. . . 23

ԾԱՅՐԱԳՈՅՆ ՊԱՏՐԻԱՐԿ ԵՒ ԿԱԹՈՂԻԿՈՍ
ԱՄԵՆԱՑՆ ՀԱՅՈՑ

Տուա կոնդակս ի 20-ն ապրիլի
1953 Փրկչական ամի, և ի տումարիս Հայոց ՌՆԲ,
յինենրորդում ամի Հայրապետութեան Մերոյ,
ի վառս Սրբոյ Էջմիածնի:

